

PHOLCODYL SYRUP

Pholcodine (5ml/5mg)

Apakah yang ada pada risalah ini

1. Apakah kegunaan Pholcodyl Syrup
2. Bagaimana Pholcodyl Syrup berfungsi
3. Sebelum menggunakan Pholcodyl Syrup
4. Cara menggunakan Pholcodyl Syrup
5. Semasa menggunakan Pholcodyl Syrup
6. Kesan-kesan sampingan
7. Cara penyimpanan dan pelupusan Pholcodyl Syrup
8. Maklumat Lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Pholcodyl Syrup

Ia digunakan untuk melegakan batuk tidak produktif yang berkaitan dengan selesema biasa dan jangkitan saluran pernafasan atas.

Bagaimana Pholcodyl Syrup berfungsi

Bahan aktif dalam ubat ini adalah pholcodine. Pholcodine adalah sejenis opioid yang berkaitan dengan morfin dari segi kimia. Pholcodine ialah penahan batuk dan mempunyai kesan sedasi ringan untuk membantu melegakan iritasi setempat dalam saluran pernafasan. Pholcodine bertindak pada sistem saraf pusat untuk menghasilkan kesan depresi pada refleks batuk melalui tindakan secara langsung pada pusat batuk di dalam otak (medula).

Sebelum menggunakan Pholcodyl Syrup

- Bila tidak boleh menggunakan

Jangan gunakan Pholcodyl Syrup jika anda hipersensitif kepada pholcodine atau mana-mana bahan kandungan lain seperti yang dinyatakan pada akhir risalah ini.

Mengandung dan penyusuan bayi

Beritahu doktor anda jika anda mengandung, merancang untuk mengandung atau menyusukan bayi.

Ia tidak digalakkan untuk wanita hamil dan ibu menyusu kecuali manfaat yang dijangka melebihi potensi risiko.

- Sebelum mula menggunakan Pholcodyl Syrup

Beritahu doktor anda sebelum mengambil ubat ini jika anda mempunyai:

- Asma
- Masalah hati

- Jika mengambil ubat-ubat lain

Terdapat beberapa ubat yang boleh berinteraksi dengan Pholcodyl Syrup. Adalah penting untuk memberitahu doktor atau ahli farmasi anda mengenai semua ubat-ubatan yang anda ambil, termasuk yang diperolehi tanpa preskripsi doktor. Anda perlu berbincang dengan doktor atau ahli farmasi anda jika anda sedang mengambil seperti yang berikut: -

- agen depresi sistem saraf pusat (CNS) seperti alkohol, antihistamina, sedatif, hipnotik dan tricyclic antidepressant.

Cara menggunakan Pholcodyl Syrup

- Berapa banyak harus digunakan

Anda perlu mengambil Pholcodyl Syrup dengan tepat seperti yang dinasihatkan oleh doktor atau ahli farmasi. Jumlah yang anda ambil setiap hari bergantung kepada keadaan anda. Jangan mengambil lebih atau kurang daripada apa yang doktor anda tetapkan.

Kanak-kanak:-

2-5 tahun :1ml bagi setiap tahun umur setiap 8-10 jam.

5-14 tahun : 5-7.5ml setiap 8 hingga 10jam

Dewasa: 10 - 15 ml setiap 8 hingga 10 jam

Tidak disyorkan untuk kanak-kanak <2 tahun kecuali atas nasihat doktor.

- Bila perlu digunakan

Gunakan Pholcodyl Syrup apabila diperlukan dan mengikut preskripsi doktor.

-Berapa lama perlu digunakan

Ia adalah penting untuk mengambil Pholcodyl Syrup seperti yang ditetapkan oleh doktor.

- Jika terlupa menggunakan

Ambil dos yang terlepas sebaik sahaja anda ingat. Jika ia hampir masa untuk dos seterusnya, tunggu sehingga itu untuk mengambil dos yang seterusnya. Jangan ambil dos berganda untuk menggantikan dos yang terlepas. Jangan ambil dos berganda untuk menggantikan dos yang tertinggal.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Simptom-simptom pengambilan berlebihan termasuk rasa mengantuk, keresahan, ketidurjaan, ataksia (gangguan koordinasi otot) dan masalah pernafasan.

Semasa menggunakan Pholcodyl Syrup

- Perkara yang perlu dilakukan

- Ambil ubat anda seperti doktor anda telah memberitahu anda.
- Beritahu semua doktor, doktor gigi dan ahli farmasi yang merawat anda bahawa anda mengambil Pholcodyl Syrup.
- Beritahu doktor anda dengan segera jika anda mengandung semasa mengambil ubat ini.

-Perkara yang tidak perlu dilakukan

- Jangan berhenti mengambil ubat kecuali dinasihatkan oleh doktor anda.
- Jangan mengambil sebarang ubat baru tanpa berbincang dengan doktor anda.
- Jangan berikan Pholcodyl Syrup kepada orang lain, walaupun mereka mempunyai simptom atau masalah seperti anda.

- Perkara yang perlu diberi perhatian

Berhati-hati apabila melakukan aktiviti yang memerlukan kecerdasan mental seperti memandu kereta atau mengendalikan mesin sehingga anda tahu bagaimana ubat ini memberi kesan kepada anda.

Kesan-kesan sampingan

Seperti ubat-ubatan lain, Pholcodyl Syrup boleh menyebabkan kesan sampingan, walaupun bukan semua orang akan mengalaminya. Kesan-kesan sampingan seperti loya dan muntah kadang-kala akan berlaku.

Kesan sampingan lain yang tidak disenaraikan di atas mungkin juga boleh berlaku pada sesetengah orang. Sila rujuk kepada doktor atau ahli farmasi jika anda mengalami simptom-simptom lain semasa mengambil ubat ini.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No.Tel : 03-78835550, atau laman web portal.bpfk.gov.my (Consumers→Reporting)

Cara penyimpanan dan pelupusan Pholcodyl Syrup

- Penyimpanan

Simpan di bawah suhu 30°C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Sirap jernih berwarna oren dengan perisa oren

-Bahan-bahan kandungan

- Bahan aktif

Pholcodine

- Bahan- bahan tidak aktif

- Liquid Glucose
- Propylene Glycol
- Citric Acid
- Syrup Simplex
- Sweet Orange
- Sodium Benzoate
- Sorbitol
- Sunset Yellow

- Nombor MAL

MAL05072033A

Pengilang

Sunward Pharmaceutical Sdn. Bhd.
No. 9,11 & 17, Jalan Kempas 4, Taman
Perindustrian Tampoi Indah, 81200
Johor Bahru, Johor, Malaysia.

Pemegang Pendaftaran Produk

Sunward Pharmaceutical Sdn. Bhd.
No.9,11 & 17, Jalan Kempas 4, Taman
Perindustrian Tampoi Indah, 81200
Johor Bahru, Johor, Malaysia.

Tarikh Kemaskini RiMUP

25/11/2015

Nombor siri

BPFK(R4/1)241115/00450